

am letzten spricht: Ein scheinend Stein von 3. Batter/Sol n  
 vnd heiliger Geist/ die drey Namen/doch einer substanz seind/  
 vnd darauß scheinend Ding wirt/ wirt keinem gegeben/ dann  
 dem die gnad Gottes will. Auch derhalbē/ so sol sich der Arbeit  
 ter nit lassen trösten/ vñ glauben/dz dises Ding in viel Dingen  
 gestanden sey/ oder gesucht werden soll: sonder vestiglich glau  
 ben/dz es ein Ding sene. Psal. 9. Johan. 28. Joh. 1. Es war ein  
 Liecht deß Erdtrichs/alle Menschen in der Welt/ es war in der  
 Welt/vnd die Welt ist durch ihn gemacht/vñ die Welt hat ihn  
 nicht erkandt. Er kam in sein Eigenthumb/ die erkandten ihn  
 nit/vñ alle die ihn erkandte/denē gab er gewalt Kind Gottes zu  
 werdē. Maria Prophetissa/neñet ihn Gomi Hispan: So nen  
 ne ich ihn Sperma Virimulti, Todtenkopff/ Vultimori, Vilo  
 trium, Lotrinium. Reimundus Lullius, neñet ihn Menschen  
 Treck/vñ Kinder Seich: Heber neñet in Adrop. In dem Ho  
 hen Lied Salomonis Cap. 5. neñet er ihn Saphir/ vnd Ophi  
 risch Gold. Vnd vil anderer Nammen wirst du da finden. Er  
 heißt auch Mercurius Philosophorū, Argentū Viuum, Sul  
 phur Philosophorum. Senior spricht: Soluir die Körper/ vnd  
 Inbibir die Geister/mit der Substanz/dem selbigen Geist/mit  
 Comporiert: das ist/ Seel/ Geist vñ Körper/ ist alles ein Ding/  
 vnd von einem Ding/ daß es werde ein Wasser/nach seiner ei  
 gener Natur: ein Seel vnd ein Geist/ mit seinem Körper: das  
 ist ein Kalch außgezogen auß seinem Kalch/ vnd Wasser auß  
 Wasser: Vnd also istis auch alles ein Ding/Kalch/Wasser/vñ  
 Erdē/ Geist vnd Seel heißt man es/ da Geist oder Seel. Vnd  
 wie man es zu jeder zeit haben mag oder will/ also ist es/ Nam  
 lich ein Körper/ Wasser/ Kalch/ Seel vñnd Geist/ Tinctura,  
 Medicina, Rohrt vñ Weiß. Vñ wann man es für ein Ding ver  
 sucht/so ist es alle Ding:vñ man siehets zu jed zeit/ein Wesen/  
 oder auff das höchste zwey darinnen/ namlich Wasser vnd Er  
 den/vnd die anderen ding alle sihet man nicht. Die Seel/auch  
 den Geist sihet man nicht/sonder das alles ist vn sichtbar/ vñnd  
 in den zweyen verborzen/ vnd ist also Sonn von Sonn/ Sul  
 phur